



ՀԱՍՏԱՏՈՒՄ ԵՄ՝

Շրջակա միջավայրի նախարար
Հակոբ Սիմիոյան

«09» 08 2023թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ № 0139-23

Ձեռնարկողը՝

«ՄԱՌԱ ԵՎ ԴՈՒՍՏՐԵՐ» ՍՊԸ
ք.Երևան, Վրացական փ. 17, բն.2

Գործունեությունը՝ Մասիս համայնքի Մասիս քաղաքի 3-րդ թաղամասի
Դպրոցականների փող. թիվ 24 հասցեում նախատեսվող
հիմնական դպրոցի կառուցման շրջակա միջավայրի վրա
ազդեցության նախնական գնահատման հայտ
Արարարի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խաչիկ Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № **0139-23**

<09> 08 2023թ.

**Արարադի մարզի Մասիս համայնքի Մասիս քաղաքի 3-րդ թաղամասի
Դպրոցականների փող. թիվ 24 հասցեում նախատեսվող հիմնական դպրոցի
կառուցման շրջակա միջավայրի վրա ազդեցության նախնական
գնահատման հայտ**

Ձեռնարկող՝	«ՄԱՌԱ ԵՎ ԴՈՒՍՏՐԵՐ» ՍՊԸ
Փաստաթղթի տեսակը՝	Շրջակա միջավայրի վրա ազդեցության նախնական գնահատման հայտ
Գործունեության տեսակը՝	«Գ» կատեգորիա
Գտնվելու վայրը՝	Մասիս համայնք, Մասիս քաղաք Դպրոցականներ փ. 24

Ներածական մաս. ՀՀ կառավարության և Ասիական Ջարգացման Բանկի աջակցությամբ դպրոցների սեյսմիկ անվտանգության բարելավման ծրագրի շրջանակում, Մասիս համայնքի Մասիս քաղաքի 3-րդ թաղամասի Դպրոցականների փ. 24 հասցեում նախատեսվում է կառուցել նոր հիմնական դպրոց, ապամոնտաժելով հիներ:

«Շրջակա միջավայրի վրա ազդեցության գնահատման և փորձաքննության մասին» օրենքի 14-րդ հոդվածի 6-րդ մասի, 7) կետի «ա» ենթակետի համաձայն նախատեսվող գործունեությունը, որպես քաղաքաշինական գործունեություն հանդիսանում է «Գ» կատեգորիայի գործունեության տեսակ:

Նախատեսվող գործունեության իրականացման համար հիմք է հանդիսացել անշարժ գույքի նկատմամբ իրավունքի գրանցման N 792989 վկայականը / ծածկագիրը՝ 03-003-0110-0001/, Արարատի մարզի Մասիս համայնքի կողմից տրամադրված 2022թ. դեկտեմբերի 22-ի N CPP0-0000-4098 նախագծման թույլտվությունը /ճարտարապետահատակագծային առաջադրանք/: Հողամասի նպատակային նշանակությունը՝ բնակավայրերի, գործառնական նշանակությունը հասարակական կառուցապատում, գրանցված իրավունքի տեսակը՝ անհատույց օգտագործման, հողամասի ընդհանուր մակերեսը կազմում է 2.3 հա:

Նկարագրական մաս. Նախատեսվող գործունեության հողամասը իրենից ներկայացնում է հասարակական կառուցապատ տարածք՝ ծանրաբեռնված հին դպրոցի շենքով և օժանդակ շինություններով, որոնք նախատեսվում է ապամոնտաժել, ենթարկվել է անտրոպոգեն ազդեցությունների և գտնվում է զարգացած բնակավայրի միջավայրում, ուստի տարածքում չկան որևէ էնդեմիկ կամ Կարմիր գրքում գրանցված բուսատեսակներ և կենդանական տեսակներ, ինչպես նաև բացակայում են տարածքի



անցնող միգրացիոն ուղիներ, բնության հատուկ պահպանվող և պատմամշակույթային հուշարձաններնույն պես չկան:

Գեոմորֆոլոգիական տեսակետից տեղամասը գտնվում է Արարատյան հարթավայրի սահմաններում՝ հարավ-արևելյան մասում: Ռելիեֆը հարթ է, աննշան թեքությամբ դեպի հարավ-արևելք՝ Արաքս և Վեդի գետերի կողմը:

Տեղամասի երկրաբանա-լիթոլոգիական կտրվածքին մասնակցում են գրունտների հետևյալ տարատեսակները իրար հաջորդող մոխրագույն և շագանակագույն կավ փափուկ պլաստիկ, մանր մոխրագույն ավազների նրբաշերտերով (3-10 սմ): Շերտն ունի համատարած բնույթ, հզորությունը 10.0 մ և ավելին է: Ժամանակակից լճա-ալյուվիալ բիոգեն ծագման առաջացումներ :

Տարածքում բուսահողը կազմում է 290խմ, որը կապահպանվի տարածքում և կօգտագործվի կանաչապատման համար:

Հիդրոերակրաբանական տեսակետից գրունտային ջրերը գտնվում են 3.0 մետր խորության վրա:

Տարածքի ինժեներաերկրաբանական պայմանները գնահատվում են բարենպաստ նախագծվող դպրոցի շինարարական աշխատանքների իրականացման համար:

Արարատի մարզի Մասիս համայնքին բնորոշ է չոր, մայրցամաքային կլիման՝ երկարատև տաք ամառով և կարճատև մեղմ ձմեռով: Օդի հարաբերական խոնավության միջին տարեկան արժեքը կազմում է 64%, քամու միջին տարեկան արագությունը կազմում է 2.5 մ/վ, բացարձակ առավելագույն ջերմաստիճանը՝ +43 °C, իսկ նվազագույն տարեկան ջերմաստիճանը՝ -29 °C: Տարեկան միջին մթնոլորտային տեղումների քանակը գնահատվում է 43 սմ:

Հիմնական դպրոց կառուցման տեխնիկատնտեսական ցուցանիշներն են.

- Հողի ընդհանուր մակերես՝ 2.3հա,
- Կառուցապատման մակերես՝ 4689 քմ,
- Կանաչապատման մակերես՝ 5983 քմ,
- Բացօթյա մարզահրապարակի մակերեսը՝ 1306,25 քմ
- Ասֆալտապատ գոտու մակերեսը՝ 9289քմ
- Սալիկապատ գոտու մակերեսը՝ 460քմ
- Կաթսայատուն ՝ 27,84քմ:

Ջրամատակարարումը կիրականացվի գոյություն ունեցող համայնքային ջրատարից, աշխատողների կոմունալ կենցաղային պայմանները կապահովեն տեղադրելով բիոզուգարաններ:

Դպրոցի ջրամատակարարման համար նախատեսվում է իրականացնել $d=110$ մմ, $\Phi 90$ մմ և $\Phi 75$ մմ տրամաչափի պոլիէթիլենային բարձր ճնշման և $\Phi 80$ մմ և $\Phi 50$ մմ տրամաչափի պողպատյա խողովակներով, արտաքին ջրամատակարարման ցանցով:

Քանի որ կոյուղու համակարգը համայնքում բացակայում է, կենցաղային հոսքերը սանիտարատեխնիկական և տեխնոլոգիական սարքավորումներից ինքնահոս ձևով կհեռացվեն նոր նախագծվող կենսաբանական մաքրման կայան և մաքրվելուց հետո կհեռացվեն դպրոցի հարակից տարածք:

Կոյուղաջրերի հեռացման արտաքին ցանցը «Վեոլա ջուր» ՍՊԸ-ի կողմից տրված (01.12.2022 թ.) տեխնիկական պայմանների համաձայն, կմիացվի Դպրոցականներ փողոցով անցնող ցանցին:

Նախագծով նախատեսվում է 42,84 կՎտ պիկային հզորությամբ արևային ֆոտովոլտային համակարգի տեղակայում նոր կառուցվող դպրոցի բոլոր մասնաշենքերի տանիքին:

Շինարարական աշխատանքների ընթացքում և շահագործման փուլում էլեկտրամատակարարումը, գազամատակարարումը կիրականացվի ըստ համապատասխան ենթակառուցների կողմից տրամադրված տեխնիկական պայմանների:

Շինարարական աշխատանքների ընթացքում առաջացող թափոնատեսակներն են՝ կենցաղային աղբը /ծածկագիրը՝ 912004000100 4/ 3կգ/օր, որը կհավաքվի աղբահավաք կոնտեյներներում և կտեղափոխվի մոտակա աղբավայր, շինարարական աղբ (ծածկագիրը՝ 912006010100 4) 4775մ³, ամբողջությամբ տեղափոխվելու է տեղական ինքնակառավարման մարմինների կողմից հատկացված վայր և փորման աշխատանքների ընթացքում առաջացած վտանգավոր նյութերով չաղտոտված հող (ծածկագիրը՝ 31401100 08 99 5) 9890 մ³ ծավալով կտեղափոխվի Մասիս համայնքի կողմից հատկացված վայր, ամբողջությամբ կօգտագործվի հետլիցքում:

Դպրոցի շինարարական աշխատանքների իրականացման ընթացքում նախատեսվում է իրականացնել շրջակա միջավայրի վրա բացասական ազդեցության կանխարգելմանը կամ մեղմացմանն ուղղված հետևյալ միջոցառումները, որոնք ներառված են բնապահպանական միջոցառումների ծրագրում, այդ թվում՝

- մթնոլորտային օդ աղտոտող նյութերի (փոշի, CO, NOx) արտանետումների որակական և քանակական պարամետրերի չափումներ, որը կիրականացվեն ազդակակիր անձանց համապատասխան բողոքի դեպքում,

- բեռնատարներով փոխադրումները կիրականացվեն փակ ծածկով փոշու հնարավոր տարածումից խուսափելու համար,

- կանոնավոր ջրցանում շինհրապարակից փոշու արտանետումները նվազագույնի հասցնելու նպատակով,

- սարքավորումներն ապահովված կլինեն խլացուցիչներով,

- աղմկահույց աշխատանքներն կիրականացվեն օրվա ցերեկային ժամերին՝ աղմուկի մակարդակը չպիտանի թրթռումներին ակարդակների չափազրուներ կիրականացվեն ազդակակիր անձանց համապատասխան բողոքի դեպքում:



Բնապահպանական միջոցառումների համար նախատեսվում է հատկացնել 4 731470 ՀՀ դրամ:

Պատճառաբանական մաս. Նախնական գնահատման և փորձաքննության փուլերում, ՀՀ օրենսդրությամբ սահմանված կարգով, Մասիս համայնքի հիմնական դպրոցի հանրային քննարկումներում գործունեության իրականացումը մասնակիցների կողմից արժանացել է հավանության: Փորձաքննական գործընթացին ներգրավվել են առողջապահության, արտակարգ իրավիճակների, կրթության, գիտության, մշակույթի և սպորտի նախարարությունները, քղաքաշինության կոմիտեն, Մասիսի համայնքապետարանը, ինչպես նաև շրջակա միջավայրի նախարարության ստորաբաժինները: Ստացված դիտողությունները և առաջարկությունները հաշվի են առնվել Հայտի լրամշակումներում:

Ամփոփելով շրջակա միջավայրի վրա հնարավոր բնապահպանական և սոցիալական ազդեցությունների վերլուծությունները կարելի է եզրահանգել, որ շրջակա միջավայրի վրա բացասական ազդեցությունը կլինեն թույլատրելի նորմայի սահմաններում, շինարարական աշխատանքները իրենց բնույթով սահմանափակ են, կարճատև և կրում են ժամանակավոր բնույթ:

Փորձաքննական պահանջներ

- Հիմնական դպրոցի կառուցման շինարարության մեկնարկը սկսել ՀՀ օրենքով սահմանված համապատասխան թույլտվությունների առկայության դեպքում:

- Շինարարական աշխատանքների իրականացման ընթացքում անհրաժեշտ է հետևել նախնական գնահատման հայտով ամրագրված բնապահպանական միջոցառումների կատարմանը, ժամանակացույցին, իսկ դրանց չբավարարման դեպքում նախատեսել լրացուցիչ միջոցառումներ ուղղված բնապահպանական և շինարարական նորմերի պահպանմանը:

- Նախատեսվող շինարարական աշխատանքներն անհրաժեշտ է կատարել օրվա սահմանված ժամերին, հնարավորինս նվազագույնի հասցնելով հարակից տարածքներում աղմուկի մակարդակը և ճանապարհների առավելագույն բեռնվածությունը:

- Նախատեսվող գործունեության իրականացման ընթացքում պահպանել արտակարգ իրավիճակների և աշխատանքի անվտանգության նորմերը:

- Շինարարական աշխատանքների ընթացքում առաջացող թափոնների կուտակումն ու հեռացումն անհրաժեշտ է իրականացնել ՀՀ օրենսդրությամբ սահմանված կարգով:

- Բետոնի տեղափոխումն իրականացնել բացառելով շինարարական հրապարակում կամ հարակից տարածքներում բետոնի արտադրությունը:

- Փոշի առաջացնող սորուն նյութերի /ավազ, խիճ և այլն/ տեղափոխումը իրականացնել փակ ծածկով մեքենաներով, պահեստները ծածկվել համապատասխան բարձրության թաղանթով:

- Տարածքի կանաչապատումը իրականացնել համաձայն Մասիս համայնքապետարանի կողմից հաստատված «Բարեկարգման, արդիականացման և կանաչապատման» նախագծի, որպես խնամքի պարտադիր միջոցառում պահանջել կանաչ տարածքների ոռոգումը:



- Նախատեսվող գործունեության իրականացման ընթացքում պահպանել քաղաքաշինական նորմերը և պահանջները:

- Համաձայն ՀՀ կառավարության 2002 թվականի ապրիլի 20-ի N 438 որոշման 43-րդ կետի «Հիմնարկները, իրավաբանական և ֆիզիկական անձինք աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից պարտավոր են դադարեցնել աշխատանքները և դրա մասին անհապաղ հայտնել լիազորված մարմին»:

ԵԶՐԱԿԱՑՈՒԹՅՈՒՆ

Արարատի մարզի Մասիս համայնքի Մասիս քաղաքի 3-րդ թաղամասի Դպրոցականների փող. թիվ 24 հասցեում նախատեսվող հիմնական դպրոցի կառուցման շրջակա միջավայրի վրա ազդեցության նախնական գնահատման հայտին տրվում է դրական փորձաքննական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
առաջին կարգի մասնագետ՝



Ռուզան Մակինյան